

AEDIGAL
IN-RED
CIG
UGT
CCOO

O 28 de xullo de 2025 reúnense representantes das 3 organizacións sindicais (CIG, UGT e CCOO) e representantes das asociacións empresariais AEDIGAL e IN-RED. Tras un intenso debate no que se aborda a situación do sector de atención á persoas con discapacidade en Galicia, queren deixar constancia do seguinte:

Expresar conxuntamente a preocupación en relación ao financiamento dos custes salariais e a necesidade do incremento salarial, así como a captación de persoal no sector, propoñendo solucións e solicitando o compromiso da Administración autonómica.

Patronais e sindicatos coincidimos en que é urxente dar unha resposta ás seguintes necesidades do sector: dignificar os salarios das persoas traballadoras; garantir retribucións máis próximas á realidade autonómica; reducir a crónica rotación de persoal; afianzar e captar profesionais para dar estabilidade ao servizo; crear un marco salarial autonómico estable para as entidades do sector no marco do concerto social da discapacidade.

No caso específico de Galicia, o importes das novas táboas salariais que establece o Convenio estatal quedan moi lonxe das táboas que aplica a mesma Xunta de Galicia nos centros de atención á discapacidade que son de súa titularidade.

Finalmente, os centros sen ánimo de lucro de atención á discapacidade teñen cada vez máis dificultade para atopar persoal cualificado. Á hora de recrutar persoal, o sector sofre a competencia doutros actores, como a Administración autonómica e grandes corporacións do ámbito da dependencia, que poden garantir mellores condicións de traballo, en termos de salarios máis elevados e incentivos. Para atallar o problema cada vez máis preocupante da falta de persoal no sector da discapacidade en Galicia, é fundamental subir as retribucións do persoal. Doutra forma, os centros non poderán seguir ofrecendo un servizo de calidade e cumprir cos requirimentos que establece o concerto social.



Handwritten signatures of representatives from the organizations listed above. The signatures are in blue ink. From left to right, the signatures correspond to IN-RED, AEDIGAL, UGT, CIG, and CCOO. The CCOO signature is at the top right, and the CIG signature is at the bottom right.

Demandamos da Xunta de Galicia:

1. O cumprimento do **compromiso de financiamento da totalidade dos incrementos salariais establecidos no XVI Convenio estatal da discapacidade para o período 2025-2027** e concrete o pagamento ás entidades, en cumprimento do artigo 35 da convocatoria do Concerto social.
2. Que se constituía un **espazo de comunicación permanente** entre a Xunta de Galicia, as patronais e os sindicatos máis representativos do sector, co obxectivo de estudar a **creación dun complemento salarial autonómico** e a modalidade de financiamento por parte do Goberno autonómico, todo elo sen prexuízo de avanzar cara a unha negociación colectiva autonómica doutras materias, se se deran as bases necesarias.

O que asinamos en conformidade todos os presentes, en Santiago de Compostela.



AFEGAL



UGT



IN-RED



ASL



CCOO

GA